

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara eta Kultura Saila**

Bizkaiko Foru Aldundiaren 162/2018 FORU DEKRETUA, abenduaren 11koa. Honen bidez, 2018ko irailaren 11tik 2019ko irailaren 10era bitartean kirol prestakuntza gainditu duten kirol Teknikarientzat Euskara eta Kulturako Foru Sailak ematen dituen beken oinarri arautzaileak eta deialdia onartzen dira.

Autonomia Erkidegoko Erakunde Erkideen eta bertako Lurralde Historikoetako Foru Organoen arteko harremanei buruzko azaroaren 25eko 27/1983 Legearen 7.b.6 artikuluen arabera, lurralde historikoei dagokie erakunde erkideek kirolaren sustapenaren arloan emandako arauak garatu eta betearazteko eskumena.

Halaber, Euskadiko Kirolaren 14/1998 Legeak, ekainaren 11koak, 2.3 artikuluan adierazten du aginte publikoek, beren eskumen-esparruaren barruan, kirola egiteko eskubi-dea behar bezala gauzatzea bermatuko dutela. Horretarako, burutuko duten kirol politikak printzipio moduan izango du kirol teknikarien prestakuntza bideratzea eta bultzatzea Soin Hezkuntzako Euskal Erakundearen eta kirol-federazioen parte-hartzearekin.

Bizkaiko Foru Aldundia, Bizkaiko Lurralde Historikoko kirol talde eta elkarteetako teknikarien trebakuntza maila hobetu beharraz jabetu da eta kirolen eremurako herri interesekotzat jotzen du, kirolaren errendimendua hobetu guran ere, kirol teknikarien prestakuntza eta berauek beren jarduketara-eremuan —nork berean— duten trebakuntza maila sustatzea.

Bizkaiko Foru Aldundiko Euskara eta Kultura Sailaren egitura organikoari buruzko erregelamendua onesten duen Bizkaiko Foru Aldundiaren martxoaren 6ko 22/2018 Foru Dekretuak sail horri esleitzen dio eskumen hau: maila guztietako kirol lehiaketak eta jarduerak sustatu eta koordinatzea, gure gizartean kirola aktiboki ager dadin eta harekiko zaletasuna bultzatzea dadin.

Foru dekretu honek erregulazio onaren printzipioak betetzen ditu. Printzipio horiek Administrazio Publikoaren Administrazio Prozedura Erkidearen 2015eko urriaren 1eko 39/2015 Legean daude ezarrita eta Bizkaiko Foru Aldundiaren 2017ko urtarrilaren 17ko 2/2017 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru dekretu horretan xedatutakoa kontuan hartuta, txosten hauek eman dira foru dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.

Bizkaiko Kondaira Lurraldeko Foru Erakundearen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuaren eskumena dela, besteak beste, Foru Aldundiari proposamenak aurkeztea haien sailletako gaiei buruzko foru dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari diru-laguntzen emakida arautuko duten oinarriak onesteko. Eta Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onartzea, egintza bakarrean.

Hori dela bide, Euskara eta Kultura Saileko foru diputatuaren ekimenez, eta aurrez Bizkaiko Foru Aldundiak 2018ko abenduaren 11ko bileran aztertutik, honako hau



XEDATZEN DUT:

Artikulu bakarra.— Beka foralen oinarri arautzaileak eta deialdi publikoa onestea

Honen bidez, 2018ko irailaren 11tik 2019ko irailaren 10era bitartean kirol prestakuntza gainditu duten kirol teknikarientzat Euskara eta Kulturako Foru Sailak ematen dituen beken oinarri arautzaileak eta deialdia onartzen dira; honen ondoren dator oinarrien eta deialdiaren testua.

I. TITULUA

XEDAPEN OROKORRAK**1. oinarria.— Diru-laguntzaren xedea**

1. Foru-dekretu honen xedea da kirol ikasketetarako sarbide-probaren eta matricularen gastuak partez finantzatzea, erregimen bereziko ikasketen zein aldi baterako ikasketen kasuan, baina, betiere, ikasketok 2018ko irailaren 11tik 2019ko irailaren 10era gainditu badira, egun biak barne.

Erregimen bereziko prestakuntzak dira urriaren 24ko 1363/2007 Errege Dekretuaren bidez araututakoak: Erdi-mailako graduaren hasierako zikloaren ziurtagiria, kirol teknikariaren titulua, goi-mailako kirol teknikariaren titulua.

Aldi baterako prestakuntzak dira Hezkuntza, Kultura eta Kirol Ministerioaren otsailaren 5eko 158/2014 Aginduan halakotzat jasotakoak (agindu horren bidez, urriaren 24ko 1363/2007 Errege Dekretuaren lehenengo xedapen iragankorrean adierazten diren kirol prestakuntzaren alderdi kurrikularrak, baldintza orokorrak eta jardueren eraginak arautzen dira): I. mailako diploma, II. mailako diploma, III. mailako diploma.

Urriaren 24ko 1363/2007 Errege Dekretuak eta Hezkuntza, Kultura eta Kirol Ministerioaren otsailaren 5eko 158/2014 Aginduak ezarritako zentzoren batean egin behar da prestakuntza.

2. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak direnak eta ezarritako epearen barruan egiten direnak, baina diru-laguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa.

3. Foru dekretu honen helburua pertsona eskatzaileen ekintzak babestu eta osatzea da; hori dela eta, ez dira inoiz finantzatuko jarduera egiteagatik sortutako gastu guztiak.

4. Ez da inolaz ere diruz lagunduko sexua dela-eta diskriminatzailea den prestakuntza-jarduerarik.

2. oinarria.— Pertsona onuradunak

1. Foru dekretu honetan araututako beken onuradun izan daitezke, baldin eta onuradun ez izateko maiatzaren 31ko 5/2005 Foru Arauaren 12. artikuluan jasotako egoeretak batean ere ez badaude, honako baldintza hauek betetzen dituztenak:

- a) Etenik gabe 2018ko urtarrilaren 1etik Bizkaiko Lurralde Historikoan erroldaturik egotea.
- b) Erregimen bereziko kirol ikasketetako prestakuntza zein aldi baterako erregimeneko prestakuntza-jarduerak gainditzea 2018ko irailaren 11tik 2019ko irailaren 10era, egun biak barne.

2. Berdintasunerako eskubidea eta sexu-diskriminaziorik eza urratzeagatik administrazio-bidean, lan-arloan edo zigor-arloan zehapen irmoa izan dutenek ezin izango dute inolako laguntza ez diru-laguntzarik eskatu ez jaso, ez eta honako hauetan ezarritako betebeharrak betetzen ez dituztenek ere: Emakumeen eta Gizonen Berdintasunerako otsailaren 18ko 4/2005 Legearen III. tituluari, Emakumeen eta Gizonen Berdintasun Eragingarriarako martxoaren 22ko 3/2007 Lege Organikoan eta/edo Emakumeen eta Gizonen Berdintasunerako ekainaren 20ko 4/2018 Foru Arauan.



II. TITULUA

ARAUBIDE JURIDIKOA**3. oinarria.— Araudi aplikagarria**

Foru dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua, 2010eko martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazioen Publikoen Administrazio Prozedura Erkidearen 2015eko urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein arau xedapen, duen izaeragatik ezartzeko modukoa baldin bada.

4. oinarria.— Arau-hausteak eta zehapenak

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren IV. tituluaren xedatutakoa ezarriko da, bai eta arau hori garatzen duen erregelamenduaren IV. tituluaren xedatutakoa ere.

III. TITULUA

PROZEDURA**5. oinarria.— Eskabideak aurkezteko lekua eta epea**

1. Beketarako eskabideak Bizkaiko Foru Aldundiko Kirol Zerbitzuaren bulegoetan aurkeztu daitezke (Errekalde zumarkalea, 30, 1. solairua, Bilbo), edo, bestela, Administrazio Publikoen Administrazio Prozedura Erkidearen 2015eko urriaren 1eko 39/2015 Legearen 16.4 artikulua zehazten duen moduan.

Horrez gainera, aukera egongo da eskabideak Bizkaiko Foru Aldundiaren egoitza elektronikoaren bidez aurkezteko, <https://www.ebizkaia.eus/es/inicio>

Adingabeen eskabideak aitak, amak edo legezko ordezkariak aurkeztu beharko ditu. Ondorio guztietarako, haiexek izango dira -eta ez adingabeak- jasotako bekaren onuradunak. Edonola ere, adingabeak bete behar ditu Foru Dekretu honetako 2. oinarrian ezarritako baldintzak.

Aldiz, adingabea izango da bekaren onuraduna, baldin eta haren ordainketa izapidetu aurretik adin-nagusitasuna lortzen badu. Kasu horretan, ordainketa izapidetzeko, zerga-betebeharrak eta Gizarte Segurantzarekikoak egunean ordainduta dauzkatela egiaztatzen duten ziurtagiriak aurkeztu beharko dituzte.

2. Eskabideak aurkezteko epea foru dekretu hau argitaratu eta biharamunetik aurrera izango da 2019ko irailaren 17ra arte, azken egun hori barne.

6. oinarria.— Eskabidearekin batera aurkeztu behar diren agiriak

1. Beketarako aurrez aurreko eskabideak lehen eranskineko eredu ofizialaren birtutez aurkeztu behar dira (I inprimakia, E1 eredu), II. inprimakiarekin (E3 eredu) eta III. inprimakiarekin (E4 eredu) batera, behar bezala beteta. Ereduak web-orri honetan eskura daitezke: <http://www.bizkaia.eus/kulturadirulaguntzak>

Bizkaiko Foru Aldundiaren Egoitza Elektronikoaren bidez aurkeztuz gero, Administrazio Publikoen Administrazio Prozedura Erkidearen 2015eko urriaren 1eko 39/2015 Legearen 66.6 artikuluan xedatutakoarekin bat etorrira betetzeko eta egoitzan aurkezteko dauden eredu berezien arabera eskabideak erabili beharko dira.

2. Kasu bietan, eskabideekin batera dokumentazio orokorra eta hurrengo ataletan eskatutako dokumentazio berezia aurkeztu beharko da, eskatzaileak berak edo eskatzailearen ordezkariak sinatuta.

- a) Gainditutako ikasketen ziurtagiria, ikastaroa egin den erakundeak emana (berariaz ezarritako inprimakaren arabera).



- b) Sarrera proba eta matrikula gastuaren frogagiria.
 - c) Bizkaiko Lurralde Historikoa osatzen duten udalerrietako batean, edozeinetan, erroldaturik dagoela adierazten duen ziurtagiri historikoa.
 - d) Hala badagokio, %33ko desgaitasuna edo hortik gorakoa duela egiaztatzen duen agiria, Adin Nagusikoen eta Gizarte Zerbitzuen Institutuak, Bizkaiko Foru Aldundiko Gizarte Ekintza Sailak edo erakunde baliokideak emandakoa.
 - e) Teknikari moduan badabil Bizkaian, federazioaren lizentzia edo eskola kiroleko teknikariaren lizentzia.
 - f) Banku-helbideraketaren fitxa, alta edo aldaketaren bat bada bakarrik.
 - g) Eskatzailearen jaiotza-data, gazteriaren arloko estatistikak egiteko erabiltzeko.
3. Edozein kasutan ere, Bizkaiko Foru Aldundiak kontsultatu eta egiaztatu egingo ditu eskatzailearen identitateari buruzko datuak, eta, era berean, ordezkaturako adingabearenak (espresuki kontrako adierazpena egin ezean).

Datu horiek eskuratzeko modua bat etorriko da Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta erregelamendu hori garatzen duen araudian ezarritakoarekin bat.

Horrez gainera, eskabidea sinatuta baimena ematen zaio Bizkaiko Foru Aldundiko Euskara eta Kulturako Foru Sailari Ogasunaren eta Gizarte Segurantzaren ziurtagiriak eskatzeko, Diru-laguntzei buruzko maiatzaren 31ko 5/2005 Foru Arauaren 21.3 artikuluan ezarritako ondorioetarako.

7. oinarria.— Eskabideak zuzentzea eta hobetzea

1. Eskabideak behar bezala beteta ez badaude, edo eskabidearekin batera foru dekretu honetan eskatutako agirietakoren bat aurkeztu ez bada, orduan erakunde interesdunari errekerimendua egingo zaio, hamar (10) egun balioduneko epearen barruan hutsunea zuzendu edo beharrezko agiriak aurkez ditzan; hala egiten ez badu, eskabidean atzera egin duela ulertuko dela eta, behin ebazpena emanda, eskabidea artxibatu egingo dela adieraziko zaio.

2. Edonola ere, Euskara eta Kulturako Foru Sailak aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

8. oinarria.— Diru-laguntza emateko prozedura

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru-araua 20. artikulua 1. zenbakiaren bat, diru-laguntzak emateko prozedura arrunta norgehiagoka araubidearen arabera izapidetuko da.

Edonola ere, arau horretan hau ezartzen da: salbuespen modura, diru-laguntzaren helburu edo izaeratik ezinezkoa bada prozedura norgehiagokaren bitartez izapidetzea, norgehiagokarik gabekoa izango da diru-laguntzak emateko prozedura, eta, beraz, eskabideak jaso ahala banatuko dira funtsak —betiere eskabideok deialdian ezarrita dauden betekizunak betetzen badituzte— harik eta aurrekontuko zuzkidurak agortu arte.

Kontuan hartuta dekretu honen helburua dela kirol arloan prestakuntza-jarduerari laguntzea, foru dekretu honen beka norgehiagokarik gabeko araubidean emango dira. Diru-laguntza emateko, espedientean egiaztatuta geratu beharko da eskatzaileak onuradun izateko betekizunak betetzen dituela, bai eta jarduera beka jaso dezaketenen artean dagoela ere. Aurreko hori egiaztatu ondoren, beka emango dira, eskura dauden aurrekontuko diru-baliabideen arabera eta 9. oinarrian ezartzen diren muga barruan.

**9. oinarria.— Bekak emateko irizpideak**

1. Bekak kalkulatzeko, kontuan hartuko da kirol ikasketen sarbide-probaren eta matrikularen gastuen batura, eta portzentaje hauek aplikatuko dira zenbateko horren gainean:

Irizpideak Criterios	Ikastaroa gainditzea Superación del curso (%)	Teknikari aritzea, federazioaren lizentzia- rekin edo eskola-lirleko teknikari gisa Ejercer de técnica/o con licencia federada o escolar como técnico/a (%)	Emakumezkoa Mujer (%)	Desgaitasuna Discapacidad (%)	Euskara Euskera (%)	Bertoko kirola Deporte Autóctono (%)
Mailak Niveles						
I. maila / Nivel I	60	5	10	5	10	5
II. maila / Nivel II	55	5	10	5	10	5
III. maila / Nivel III	40	5	10	5	10	5

2. Beka bakoitzak ezin izango du gainditu dagokion kopuru hauetarikorik:

- I. mailan, 600 euro.
- II. mailan, 900 euro.
- III. mailan, 1.200 euro.

3. Ez da ezelan ere emango eskatutako bekaren zenbatekoa baino handiagorik edo diruz lagun daitezkeen gastuak baino handiagorik.

10. oinarria.— Aholkularitza

Euskara eta Kultura Saileko Kirol Zerbitzuak behar den laguntza teknikoa edo aholkularitza eskainiko ditu foru dekretu hau dela-eta sortutako zalantza edo kontsulta guztiak argitzeko, (horretarako, www.bizkaia.eus/laguntzaileKirolak foru webgunea erabili ahal da).

11. oinarria.— Ebazpena

1. Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 22.4 artikuluan xedatutakoa betez, deialdi honetan, interesdunei ez zaie lehenbizi behin-behineko ebazpen-proposamena emango eta, gero, entzunaldiaren izapidea eskainiko, zeren prozeduran interesdunek ekarri dituzten egitateak, alegazioak eta frogak besterik ez baitira jaso eta kontuan hartuko.

2. Deialdia ebatzi baino lehen, eskatzaileek zerga-betebeharrak eta Gizarte Segurantzari dagozkionak egunean dituztela egiaztatuko du Kirol Zerbitzuak. Egiaztapen hori eginda, ikusten bada eskatzailearen batek ez duela betetzen betebeharrak horietako bat, edozein, errekerimendua egingo zaio hamar (10) egun baldioduneko epean egoera hori erregulariza dezan, eta ohartaraziko zaio hori egiten ez badu bere eskabidean atzera egingakotzat joko dela.

3. Ebazpena emateko eta jakinarazteko epea hilabete biko (2) izango da, eskabide bakoitza aurkeztutako egunetik zenbatuta, eta inoiz ere 2019ko otsailaren 1a baino lehenago.

Euskara eta Kultura Saileko foru diputatuak emango du ebazpena, Bizkaiko Foru Aldundiko Kirol Zerbitzuaren txostena jaso ondoren. Epe hori eskabideari buruzko ebazpen adierazirik eman eta jakinarazi gabe igarotzen bada, eskabidea ezetsizat joko da; hala ere, ebazpen adierazia geroago ere eman ahal izango da.

4. Eskabidea ebazten duen foru aginduaren jakinarazpena posta ziurtatu bidez bidaliko zaie interesdunei, salbu eta eskabidea Bizkaiko Foru Aldundiaren egoitza elektronikoaren bidez aurkeztu dutenei, zeinei egoitza elektronikoan agertzeko sistemaren bidez jakinaraziko baitzaie.

Foru agindu horretan berariaz jasoko da ebazpenak administrazio-bidea agortzen duela eta interesdunak aukerako berraztertze errekurtsoa jar dezakeela foru agindu



horren aurka, Bizkaiko Foru Aldundiko Euskara eta Kulturako foru diputatu andrearen aurrean, hilabeteko (1) epean, edo administrazioarekiko auzi-errekurtsoa Euskal Autonomia Erkidegoko Justizia Auzitegi Nagusian, bi (2) hilabeteko epearen barruan; epeok jakinarazpena egin eta biharamunean hasiko dira zenbatzen.

Euskara eta Kultura Sailak, urtero, iragarki bat jarriko du Bizkaiko Aldizkari Ofizialean, deialdi publiko honetan onetsi diren eskabideen berri emateko.

12. oinarria.—*Bateragarritasuna beste diru-laguntza batzuekin*

1. Foru dekretu honetako bekak bateragarriak izango dira helburu bererako Estatu-ko, Europar Batasuneko edo nazioarteko edozein administrazio-erakunde publikok zein pribatuk ematen dituzten diru-laguntza, laguntza, diru-sarrera edo baliabideekin.

2. Beka emateko kontuan hartu diren inguruabarretakoren bat aldatzen bada, eta betiere aldi berean udalerrietako, autonomia-erkidegoetako, estatuko edo nazioarteko beste administrazio edo erakunde publiko batek emandako beste diru-laguntza, laguntza, sarrera edo baliabideren bat lortzen bada, gerta liteke beka emateko ebazpena aldatzea, zeren foru dekretu honen bitartez araututako beken zenbatekoa, bakarrik zein beste diru-laguntza edo laguntza batzuekin bat eginda, inolaz ere ezin baita izan pertsona onuradunak egin beharreko jardueraren kostua baino handiagoa.

IV. TITULUA

BEKAREN KUDEAKETA ETA JUSTIFIKAZIOA

13. oinarria.—*Beka ordaintzea*

1. Diru-laguntza ebazten duen foru aginduaren jakinarazpena jaso eta ondorengo hamar egun baliodunetan onuradunak ez badio espresuki eta idatziz uko egiten bekari, onartu egin duela ulertuko da. Ebazpen hori jakinarazi ondoren hamar egun igaro eta berehala, Kirol Zerbitzuak bekari dagokion zenbatekoaren ordainketa izapidetuko du Ogasun eta Finantzen Foru Sailean, eta erakunde onuradunei ez zaie horretarako inolako bermerik eskatuko.

2. Beka ordaindu aurretik, egiaztatu egingo da onuradunek egunean dituztela hala zerga betebeharrak nola Gizarte Segurantzarekikoak.

Egiaztatzearen ondorioz ikusiko balitz onuradunen batek ez duela aurreko lerroaldean ezarritakoa betetzen, errekerimendua egingo zaio hamar (10) eguneko epean egoera hori konpon dezan, eta jakinaraziko zaio, horrela egiten ez badu, emandako bekarako eskubidea galduko duela.

14. oinarria.—*Hartzailearen ekimenez egindako itzulketa*

1. Martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako beka, foru erakundeak aurretik eskatu gabe.

Halakoetan, Bizkaiko Foru Aldundiak beka benetan itzultzen den arte sortutako berandutze-interesak kalkulatuko ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Onuradunak berak eskatuta beka itzultzeko ordainketa-gutun bat erabili behar da. Ordainketa-gutun hori bekaren kudeaketaz arduratu den foru zerbitzuaren bulegoetan izapidetuko da, onuradunak eskaera aurkeztu eta gero. Ordainketa-gutun horretan honako hauek adierazi beharko dira: itzuli beharreko zenbatekoa (printzipala eta berandutze-interesak), ereduaren kodea eta diru-sarreraren zergatia, itzuli behar den bekaren aipamena eginez.



3. Bekaren onuradunak finantza-erakunde batean ordainketa egin ondoren, ordainketaren kopia edo diru-sarreraren frogagiria bidali beharko dio diru-laguntzaren kudeaketaz arduratzen den Euskara eta Kultura Saileko foru zerbitzuari.

15. oinarria. — Justifikazioa

Foru dekretu honen bitartez arautzen diren beken onurak jasotzen dituzten pertsonen beka ematea eragin duen jarduera gauzatu eta egiaztatu behar dute, eskabideak aurkezteko epea igaro baino lehen.

Hori dela bide, eman den diru-laguntzaren zenbatekoaren gastuaren erabilera justifikatzea eta jarduera gauzatu dela edo hori lortzeko asmoz jardun dela frogatzea, baita diru-laguntza ematea edo hartaz gozatzea ekarri duten betebeharrak eta baldintzak bete direla ere, ez da gauzatu beharko dokumentu gehigarriak aurkeztuz, justifikazioak Bizkaiko Foru Aldundiaren Kirol Zerbitzuaren esku egongo baitira beca hau esleitu baino lehen.

16. oinarria. — Bekaren onuradunaren beste betebeharrak

- a) Beka emateko orduan kontuan hartu den edozein alderdi objektibo edo subjektibok aldaketarik izan badu, horren berri ematea beka eman dionari.
- b) Jardueraren hasiera-dataren eta amaiera-dataren berri ematea diru-laguntza eman dionari, idatziz. Halaber, diruz lagundutako jarduera kontrolatzeko, haren jarraipen egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.
- c) Udalerrietako, autonomia-erkidegoetako, estatuko edo nazioarteko beste administrazio edo erakunde publiko batek xede bererako emandako beste diru-laguntza, laguntza, sarrera edo baliabideren berri ematea laguntza eman dion erakundeari.
- d) Euskara eta Kulturako Foru Sailari laguntzea, hala eskatzen bazaio, eta erakundearen gaineko edozein informazio ematea (azterlanak, inkestak, datu estatistikoak, etab.).
- e) Euskara eta Kulturako Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jarduerak onartzea.
- f) Era berean, onuraduna —diruz lagundutako proiektua gauzatzean— behartuta egongo da Emakumeen eta Gizonen berdintasunerako ekainaren 20ko 4/2018 Foru Arauaren 3. artikuluan aurreikusitako printzipio orokorrak betetzera, bereziki behartuta egongo da hizkuntza ez sexista ez erabiltzera hizkera mota guztietan (dokumentuetan, ikus-entzunezkoetan...), edozein euskarritan, idatzizkoetan zein digitaletan.
- g) Bizkaiko Foru Administrazioak emandako diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamenduaren 54. artikuluan eta hurrengoetan ezarritako gainerakoak.

17. oinarria. — Itzulketa

1. Jasotako zenbatekoa eta dagozkion berandutze-interesak itzuli beharko dira, baldin eta ez bada betetzen aurreko oinarrietan, maiatzaren 31ko 5/2005 Foru Arauaren 33. artikuluan edo foru arau hori garatzen duen Erregelamenduan jasotako betebeharratariko bat edo batzuk. Besteak beste, honelakorik gertatzen bada:

- a) Emandako bekari dagozkion helburua bete ez bada.
- b) Proiektua egiteko epea betetzen ez bada jasotako kopurua itzuli beharko da, baita sortutako berandutze-interesak ere, Bizkaiko Foru Aldundiko Kirol Zerbitzuak errekerimendua egin ondoren.
- c) Beka lortu bada, nahiz eta horretarako eskatutako baldintzak bete ez.



- d) Ezarritako kontrol-jarduerak egiteari uko egiten bazaio edo eragozpenak jartzen badira.
 - e) Foru dekretu honetan jasotako gainerako baldintzak ez badira betetzen.
2. Jardueraren kostua baino finantziario gehiago jasotzen bada, orduan ere, diru-laguntza itzuli egin beharko da.

18. oinarria. — Aurrekontuko partida

1. Deialdi honetan araututako beka emateko aurrekontuaren muga hogeita hamar mila euro (30.000 euro) da; beka G/0403/341109/46200/0000_2007/0136 aurrekontuko partidaren kargura emango da, eta honela banatuko da urtez urte:

— 2018. urteko ordainketa: 0,00 euro.

— 2019. urteko ordainketa: 30.000 euro.

2. Deialdiko eskaera guztiak ebatzi ondoren, guztira diru-laguntzetarako emandako diru kopurua aurrekontu-muga baino txikiagoa balitz, gastu-baimenaren ezeztapena tramitatuko litzateke, soberan den zenbatekoan.

AZKEN XEDAPENAK**Amaierako Lehen Xedapena. — Arauak emateko gaikuntza**

Ahalmena ematen zaio Euskara eta Kulturako foru diputatuari foru dekretu hau garatzeko beharrezkoak diren xedapen guztiak eman ditzan.

Amaierako Bigarren Xedapena. — Indarrean jartzea

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2018ko abenduaren 11n.

Euskara eta Kulturako foru diputatua,
LOREA BILBAO IBARRA

Ahaldun Nagusia
UNAI REMENTERIA MAIZ